

ЗАМОН ШИДДАТИ БИЗДАН ЯНГИ МАРРАЛАР САРИ ИНТИЛИБ ЯШАШНИ ТАҚОЗО ЭТАДИ

Ўзбекистон Республикаси Президенти Шавкат Мирзиёев ҳудудлар ривожини, аҳоли ҳаёти билан яқиндан танишиш мақсадида 31 март куни Хоразм вилоятига ташриф буюрди.



Давлатимиз раҳбари дастлаб Урганч шаҳрида халқ депутатлари Хоразм вилояти Кенгашининг навбатдан ташқари сессиясида иштирок этиб, нутқ сўзлади.

— Бугун мана шу қадим ва табаррук заминда, муборак Рамазон ойида сиз, азиз юртдошларим билан кўришиб турганимдан гоят мамнунман, — деди давлатимиз раҳбари. — Агар таҳлил қилсак, Хоразмда кўп нарсалар ўзгарди. Лекин замон шиддат билан ўтапти, аҳолининг талаби ўсиб борапти. Биз шунга муносиб ҳаракат қилишимиз керак. Шунинг учун ишimizни танқидий кўриб, катта-катта марралар олишимиз керак.

Иигилиш аввалида Хоразм вилоятидаги ўзгаришлар қайд этиб ўтилди. Охириги олти йилда мактабгача таълим қамрови 22 фоиздан 79 фоизга етказилди. 131 та мактаб қурилди ва реконструкция қилинди. 580 минг аҳоли илк бор марказлашган ичимлик суви билан таъминланди.

Вилоятдаги 531 та маҳаллани обод қилишга қўшимча 1 триллион сўм, туман марказлари йўллари таъмирлаш, пидедалар йўлга ва ёриткичларга 50 миллиард сўм ажратилган.

Аҳолини уй-жой билан таъминлаш ишлари ҳам жадаллашган. Охириги беш йилда 9 минг 500 та хонадонли уйлар фойдаланишга

топширилган. Бу хайрли ишларнинг давоми сифатида Урганч шаҳрида Ал-Хоразмий шаҳарчаси қурилиши бошланди.

Саноат, қишлоқ хўжалиги ва хизмат кўрсатишда 1,5 миллиард долларлик 7 минг лойиҳа доирасида янги корхоналар ишга тушди. Бу орқали 50 минг янги доимий иш ўрни яратилиб, 19 минг оила камбағалликдан чиқарилди.

Ишлаб чиқариш 1,5 бараварга кўпайди, саноат экспорти 190 миллион долларни ташкил этди. Айниқса, тўқимачилик, автомобилсозлик, озиқ-овқат, электротехника ва қурилиш материаллари ишлаб чиқариш 2 баравар ўсди.

Лекин вилоятда иқтисодий имкониятлар бундан ҳам кўплиги, аҳолини қийнаётган кўлаб масалалар борлиги кўрсатиб ўтилди.

Сессияда ташкилий масала кўрилди. Давлатимиз раҳбари Хоразм вилояти ҳокими лавозимига Жўрабек Раҳимов номзодини тавсия этди.

Ж. Раҳимов 1981 йилда Хоразм вилоятида туғилган. Меҳнат фаолиятида Шовот туманида бошлаб, сўнгги йилларда Боғот ва Қўшқўпир туманлари ҳокими лавозимларида ишлаган. У ўтган йилнинг декабридан буён Хоразм вилояти ҳокими вазифасини бажариб келмоқда.

Давлатимиз раҳбари номзодни лавозимига тасдиқлашдан аввал унинг режаларини эшитишни тақлиф этди. Жўрабек Раҳимов вилоятда тадбиркорлик, саноат, қишлоқ хўжалигини ривожлантириш, аҳолига муносиб турмуш шароити яратиш бўйича режаларини тақдимот қилди.

Аҳоли бандлигини таъминлаш ва даромадини ошириш чораларига биринчи навбатда эътибор қаратилди. Президентимиз айтилган тақлифларни маъқуллаб, улар юзасидан мутасаддиларга кўрсатмалар берди.

Оилавий тадбиркорлик дастурлари учун берилган 940 миллиард сўмга қўшимча 100 миллиард сўм йўналтирилиши белгиланди. Янги тадбиркорлик субъектларини ташкил қилиш орқали 57 минг, касана-чиликда салохияти бор 240 та маҳаллада меҳнат қурооллари ва жой масаласини ҳал қилиб, 50 минг, ўзини ўзи банд қилиш орқали 28 минг аҳоли бандлигини таъминлаш мумкинлиги айтилди.

Иккинчи муҳим вазифа — озиқ-овқат маҳсулотлари балансини таъминлаш. Шу мақсадда “Тошсоқа” тизимидаги магистраль сугориш каналини тиклаш” лойиҳасининг иккинчи босқичи бошланади. Боғот, Шовот ва Янгибозор туманларидаги 2 минг гектарда узум, олма ва

турмуш тарзига кўчириши керак, — деди Шавкат Мирзиёев сессия сўнгига.

Шундан сўнг давлатимиз раҳбари Дастурий маҳсулотлар ва ахборот технологиялари технологик паркиннинг Хоразм филиалини бориб кўрди.

15 миллиард сўмдан зиёд маблағ эвазига барпо этилган ушбу марказ йилига 4 минг 500 нафар ёшни ахборот технологиялари йўналишида ўқитиш ва ИТ хизматлар кўрсатиш қувватига эга. Бу ёшларнинг замонавий мутахассисликларни эгаллаб, ўз йўлини топишида муҳим омил бўлмоқда. Хусусан, ушбу мажмуада ҳам 250 нафар йигит-қиз иш билан таъминланган.

Президентимизга ИТ-паркда амалга оширилаётган ишлар, истиқболдаги режалар ҳақида маълумот берилди.

Бу ерда ўқув машғулотларини ташкил этиш ҳамда ИТ хизматларини экспорт қилиш учун барча зарур шароитлар яратилган. Мақсадлар ҳам шунга яраша, жорий йилда экспорт ҳажмини 3 миллион долларга етказиш кўзда тутилган.

Шу ернинг ўзига ИТ-парк резидентлари, ахборот технологиялари соҳасида фаолият олиб бораётган ёшлар билан мулоқот бўлди. Улар ўзларининг фаолиятлари ҳақида сўзлаб беришди.

Давлатимиз раҳбари ёшларнинг фикрларини эшитиб, тақлифларини кўлаб-қувватлаш бўйича мутасаддиларга кўрсатмалар берди.

Президентимиз Хоразм вилоятидаги “Янгибозор текстиль агрокластер” масъулияти чекланган жамиятининг тўқимачилик корхонаси фаолияти билан танишди.

Қиймати 13 миллиард сўмдан зиёд бўлган мазкур лойиҳа доирасида хориздан замонавий ускуналар келтириб ўрнатилган. Йилига 5 миллион дона тайёр трикотаж маҳсулотлари ишлаб чиқариш қуввати яратилган. Товарларнинг 65 фоизини экспортга йўналтириш мўлжалланган.

Бугунги кунда бу ерда 500 га яқин хотин-қизлар ишламоқда.

Шавкат Мирзиёев корхонадаги иш жараёни билан танишиш асносида улар билан суҳбатлашди. Хотин-қизлар чекка туманларга ҳам саноат кириб келаётгани, ўз уйи яқинида шундай замонавий корхонада ишлаётганидан мамнунлигини айтишди.

Шу ерда Хоразм вилоятидаги 6 та янги корхона ишга тушириш маросими бўлди. Улар — Урганч шаҳридаги “Эко Оби ҳаёт” корхонаси томонидан гипсокартон маҳсулотлари, Урганч туманидаги “Закиров” хусусий корхонаси то-

монидан бурама мих, Хива гилами комбинатининг иккинчи босқичи, Боғот туманидаги “Коба текс” корхонаси томонидан тайёр газлама, Урганч туманидаги “Хорезм Солт Бизнес” корхонаси томонидан техник тузлар, Хонқа туманидаги “Хорезмтекс Фейшн” корхонаси томонидан тикув-трикотаж маҳсулотлари ишлаб чиқариш лойиҳаларидир. Ушбу корхоналар вакиллари видеоалоқа орқали мажмуалар салохияти ҳақида ахборот берди.

Президент Шавкат Мирзиёев рамзий тугмани босиб, ушбу янги корхоналарни ишга туширди.

Давлатимиз раҳбари Янгибозор туманидаги “Хоразм фахри” уруғчилик кластери даласида ҳам бўлди.

Бу кластернинг умумий ер майдони 286 гектар. Шундан 147 гектарида галла, 122 гектарида пахта етиштирилмоқда. 45 киши доимий иш билан таъминланган.

Давлатимиз раҳбари экинлар ривожини кўздан кечирди. Галла ва ғўзанинг нави, мевали дарахтлар ҳосилдорлиги билан қизиқди.

Маълумки, Хоразм сув тақчил ҳудуд саналади. Шунинг учун деҳқончиликда сув тежовчи технологиялардан фойдаланишга ҳаракат қилинмоқда. Галла майдонининг бир қисмида ёмғирлаб сугориш, олма кўчатлари қадалган янги боғ ораларига эса сабзи, пиёз, шолғом каби қишлоқ хўжалиги экинларини экиш йўлга қўйилган.

Президент бундай омилкорликни бошқаларга ҳам ўргатиш кераклигини таъкидлади.

Мамлакатимизда галладан бўшаган майдонлар такрорий экин экиш учун ишиси аҳолига бўлиб берилмоқда. “Хоразм фахри” уруғчилик кластерида ҳам 80 нафар аҳолига 30 сотихдан сабзавот экиш учун ер берилган. Бу йил яна 26 нафар кишига ер ажратилиши кўзда тутилган.

Президент шу ерда қишлоқ хўжалиги ходимлари, фермер ва деҳқон хўжалиқлари вакиллари билан суҳбатлашди. Хоразмнинг тупроғига мос экинлар етиштириш, қишлоқ хўжалигини саноатлаштириш муҳимлиги қайд этилди.

Шу билан Ўзбекистон Республикаси Президенти Шавкат Мирзиёевнинг Хоразм вилоятига ташрифи якунланди.

Зиёдулла ЖОНИБЕКОВ,
Икром АВВАЛБОВ,
Аҳмаджон ШОКИРОВ,
ЎЗА мухбирлари.

Ўзбекистон Республикаси Президенти
Матбуот хизмати сурати.

Ўзбекистон Республикаси Президентининг ФАРМОНИ

Ж.Р.РАХИМОВНИ ХОРАЗМ ВИЛОЯТИ ҲОКИМИ ЛАВОЗИМИГА ТАЙИНЛАШ ТЎҒРИСИДА

Ўзбекистон Республикаси Конституциясининг 93-моддаси 15-банди ва 102-моддасига асосан ҳамда халқ депутатлари Хоразм вилояти Кенгашининг қарорига мувофиқ **Жўрабек Раҳимович Раҳимов** Хоразм вилояти ҳокими лавозимига тайинлансин.

Ўзбекистон Республикаси Президенти Ш. МИРЗИЁЕВ

Тошкент шаҳри,
2023 йил 31 март

Марказий сайлов комиссиясининг навбатдаги мажлиси бўлиб ўтди.

Мажлис кун тартибидан Ўзбекистон Республикасининг референдумида хорижий давлатлар ва халқаро ташкилотлардан қатнашадиган кузатувчиларни ҳамда оммавий ахборот воситалари вакилларини аккредитация қилиш, референдумга тайёргарлик кўриш ва уни ўтказиш юзасидан айрим округ комиссиялари раисларининг ахборотларига оид масалалар ўрин олди.

АҲОЛИ ВАКИЛЛАРИГА ЯНГИЛАНАЁТГАН КОНСТИТУЦИЯ МОҲИЯТИ ОЧИБ БЕРИЛДИ

Ўзбекистон Республикаси Олий Мажлиси Сенати Раиси Танзила Норбоева Сирдарё вилоятининг бир қатор шахар ва туманларида бўлиб, маҳаллий Кенгаш депутатлари, маҳалла раислари, хотин-қизлар фаоллари, тадбиркорлар, аҳоли вакиллари ҳамда талаба-ёшлар билан учрашди.

Мулоқот

Учрашуларда сўнгги йилларда юртимизда амалга оширилаётган изчил ислохотлар, йирик ижобий ўзгаришлар, жумладан, инсон қадрини улуғлаш, инсон, жамият ва давлат таъминотидаги ўзгаришлар, ёшлар ҳамда хотин-қизларга яратиб берилган шарт-шароитлар, нуруний онахон ва отахонларга қаратилаётган эътибор, айниқса, ушбу жараёнларнинг ҳуқуқий асосини бугунги кун талаби бўйича такомиллаштириш зарурати, хусусан, янги таҳрирдаги Конституция нормаларининг мазмун-моҳияти ва аҳамияти тўғрисида аҳолига тўхталиб ўтилди.

Дастлабки учрашув Ховос туманининг “Чаманзор” МФЙ аҳолиси билан ўтказилди. Унда янгилаётган Конституцияда маҳаллага қаратилаётган катта эътибор, яъни ушбу халқчил тузилма ваколатлари кенгайтирилиши

Халқ вакиллари — ҳудудларда МАМЛАКАТ ИСТИҚБОЛИ ВА ТАРАҚҚИЁТИГА ҚАРАТИЛГАН МУҲИМ ЖАРАЁН

Олий Мажлис Қонунчилик палатаси Спикери Н. Исмоилов ҳамда бир гуруҳ депутатлар Термиз шаҳридаги Боғзор маҳалласида бўлиб, аҳоли билан учрашди. Мазкур тадбирда давлатимиз томонидан фуқароларнинг ўзини ўзи бошқариш органларида ўз фаолиятларини амалга ошириш учун зарур шарт-шароитлар яратилганлиги эътироф этилди.

Маҳаллаларда жорий қилинган янги “бешлик” фаолияти ўзининг самарадорлигини кўрсатиб, маҳаллий аҳамиятга мўллик масалаларни фуқаролар манфаатларидан, шунингдек, миллий қадриятлардан, маҳаллий урф-одатлар ва анъаналардан келиб чиққан ҳолда мустақил равишда ҳал этиш имкониятини яратмоқда.

Боғзор маҳалласининг ёшлар етакчиси Лайло Ментўраеванинг таъкидлашича, маҳаллаларда ёшлар етакчиси фаолияти йўлга қўйилгани хотин-қизларнинг жамият, давлат ҳаётида фаол иштирок этишини рағбатлантиряпти. Хусусан, “Беш ташаббус олимпиадаси” доирасида спортнинг “Workaut” тури бўйича республика босқичида Боғзор маҳалласининг ёшлар жамоаси

фахрли 2-ўринни эгаллаб, 28 миллион сўм пул мукофоти ҳамда “Workaut” майдончаси сертификатини қўлга киритгани бунинг яққол далили. Шунингдек, маҳалла ёшларининг волонтерлик ҳаракатлари ҳаётга кириб келаётгани навқирон авлод ўртасида ижобий қабул қилинганлигини ургунди.

Лайло Ментўраеванинг фикрича, Конституцияда ёшларга оид масалалар алоҳида акс этиши ҳамда ёшларнинг шахсий, сиёсий, иқтисодий, ижтимоий, экологик ҳуқуқлари ҳимоя қилиниши давлат томонидан таъминланаётганлиги муҳим аҳамиятга эга. Бу қоида Сурхондарё вилояти ёшлари томонидан тўла кўлаб-қувватланаётган.

да қатнашадиган 14 нафар узоқ муддатли кузатувчи аккредитациядан ўтказилди.

Шунингдек, Марказий сайлов комиссиясига келиб тушган мурожаатларга кўра, 32 та маҳаллий оммавий ахборот воситасининг жами 175 нафар вакили аккредитация қилинди. Эндиликда аккредитациядан ўтказилган маҳаллий оммавий ахборот воситалари вакиллари сони жами 284 нафарни ташкил этмоқда.

Мажлис давомида референдум ўтказувчи 3-Бухоро, 4-Жиззах, 14-Тошкент шахар округ комиссиялари раисларининг референдумга тайёргарлик кўриш ва уни юқори савияда ўтказиш борасида амалга оширилаётган ишлар хусусида ахборотлари тингланди.

Мажлисида кун тартибига киритилган масалалар бўйича тегишли қарорлар қабул қилинди.

«Халқ сўзи».

«Халқ сўзи».

